

Općinski sud u Zenici, stečajna sutkinja Sanja Pavlić, u stečajnom postupku nad društvom „Auto Truck Trade promet vozilima, dijelovima i priborom, društvo sa ograničenom odgovornošću Visoko, ul. Čajengradska b.b., Visoko, koga zastupa Hikmet Lemeš, direktor društva, za otvaranje stečajnog postupka nad samim sobom kao stečajnim dužnikom kao podnositeljem prijedloga, donio je 27.03.2025. godine, sljedeće:

R J E Š E N J E

Pokreće se prethodni postupak radi utvrđivanja uvjeta za otvaranje stečajnog postupka nad stečajnim dužnikom „Auto Truck Trade promet vozilima, dijelovima i priborom, društvo sa ograničenom odgovornošću Visoko, ul. Čajengradska b.b., Visoko.

1. Za privremenog stečajnog upravitelja imenuje se Sulejman Ismić, Carica br.12., Visoko.
2. Privremeni stečajni upravitelj dužan je:
 - utvrditi da li postoje razlozi i uslovi za otvaranje i vođenje stečajnog postupka, te podnijeti izvještaj sudu u roku od 30 dana.
 - utvrditi da li je stečajni dužnik odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti
 - obezbijediti imovinu i starati se o imovini dužnika,
 - izvršiti pregled dužnikovih poslovnih prostorija i izvršiti uvid u poslovne knjige i dokumentaciju dužnika,
 - ispitati da li imovina stečajnog dužnika može pokriti troškove stečajnog postupka
 - utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka,
 - dužan je da stečajnom sucu položi račun i podnese izvještaj o svom radu za period privremene uprave.
3. Ovo rješenje se dostavlja strankama, objavljuje na oglasnoj tabli suda, web stranici suda-elektronskoj tabli suda, „Službenim novinama Federacije BiH“ i na internet stranici FIA-e.

O b r a z l o ž e n j e

Predlagatelj kao stečajni dužnik je ovom sudu podnio prijedlog za otvaranje stečajnog postupka 23.01.2025. godine u kojem navodi da se stečaj provede iz razloga što je društvo zadnjih godina poslovalo sa teškoćama, te bilo u problemima isplate dospjelih potraživanja, a usljed nemogućnosti naplate potraživanja društvo je prestao postojati jer nije moglo izmiriti svoje dospjele obaveze prema povjericima niti organizirati poslovanje. Naveo je da su računi otvoreni u poslovnoj banci blokirani po osnovu pravosnažnih i izvršnih rješenja o naplati koja nisu bili u mogućnosti da izmire.

Radi utvrđenja da li postoji stečajni razlog i da li postoje uvjeti za otvaranje stečajnog postupka sud je odlučio pokrenuti prethodni postupak i u tom pravcu imenovao je privremenog stečajnog upravitelja Begagić Jasmina sa stalne liste stečajnih upravitelja, te je naložio da izvrši sve radnje navedene u izreci ovog rješenja, a sve u skladu sa odredbama čl. 61. stav 1. i 2. i čl. 63. Zakona o stečaju („Sl. Novine F BiH“ broj: 53/2021 i 19/25).

Na osnovu iznesenog, primjenom navedenih propisa odlučeno je kao u izreci rješenja.

PRAVNA POUKA:

Protiv ovog rješenja stečajni dužnik može izjaviti žalbu Kantonalnom sudu u Zenici u roku od 8 dana, putem ovog suda, od dana prijema rješenja. Žalba se podnosi u dva primjerka.

Stečajna sutkinja
Sanja Pavlić